

**Жисмоний шахс: Ф.И.Ш. га DAVR MOBILE мобил иловаси орқали микроқарз ажратиш**  
**ОФЕРТА ШАРТНОМАСИ**

“Давр банк” ХАТБ (кейинги ўринларда - Банк деб номланувчи), Устав ва ишончнома асосида иш юритувчи Филиал ёки Банк хизматлари кўрсатиш марказлари раҳбари сифатида фаолият юритувчи раҳбар бир тарафдан ва Ф.И.Ш. (кейинги ўринларда - Мижоз деб номланувчи) номидан паспорт асосида (Аа000000, Тошкент шаҳар, Яшнабод тумани ИИБ томонидан 12.01.2022 да берилган) иккинчи томондан ушбу шартномани куйидагилар тўғрисида туздилар:

### **1. ШАРТНОМА ТУШУНЧАЛАРИ**

1.1. Ушбу шартномада қуйидаги тушунчалардан фойдаланилади:

**“DAVR MOBILE” мобил иловаси орқали микроқарз ажратиш** - Ўзбекистон Республикасининг “Микромолиялаш тўғрисида”ги Қонунига асосан қайтаришлик, тўловлилик, муддатлилик шартлари асосида, қоғоз ҳужжатлар талаб қилинмаган ҳолда, миллий валютада, “Давр банк ” ХАТБ тизимидан идентификациядан ўтган ва Банк пластик картаси ёки электрон ҳисоб рақамга эга бўлган жисмоний шахсларга банк ходимларнинг иштироғида **“DAVR MOBILE” мобил иловаси орқали**, ушбу шартномада белгиланган шартлар асосида, дастурлашган скоринг таҳлил асосида аниқланган миқдордан ортиқ бўлмаган миқдорда, иш ҳақи дастури доирасида эмиссия қилинган банк картаси ёки электрон ҳисоб рақамга мижоз томонидан электрон тасдиқловчи код орқали тасдиқлаш йўли билан бериладиган кредит шаклидир.

**Банк** - “Давр банк ” ХАТБ, унинг филиаллари ва Амалиёт бошқармаси ва банк хизматлар кўрсатиш марказлари ҳамда банк маслаҳат марказлари;

**Банк пластик картаси** (кейинги ўринларда - БПК) – Банк томонидан жисмоний шахслар учун эмиссия қилинган пластик карта;

**Электрон ҳисоб рақам** - (кейинги ўринларда -ЭХР) -Жисмоний шахслар томонидан мобил илова орқали онлайн тарзда очилган ҳисоб рақам;

**“Қарз олувчи”** - Доимий иш ҳақига эга бўлган “Давр банк” ХАТБ тизими доирасида очилган Банк пластик картаси ёки “DAVR MOBILE” мобил иловаси орқали очилган электрон ҳисоб рақамига “Микроқарз” хизматидан фойдаланаётган шахс.

**“DAVR MOBILE” мобил дастури** - банк ходими мижоз иштироғисиз асосида “Банк”дан микроқарз олиш имконини берувчи, автоматлаштирилган банк амалиётларини бажарувчи ва онлайн кредит конвер учун мўлжалланган дастурий таъминот.

**Оферта** - банк томонидан электрон тасдиқланган, мижознинг мобил рақамига смс шаклда жўнатилган ва мобил илова ёки банкни веб сайти орқали кенг оммага эълон қилинган, унда кўрсатилган шартлар асосида микроқарз ажратиш ҳақида шартнома тузиш бўйича таклиф

**Оферта шартномаси** - “Банк” билан “Қарз олувчи” ўртасида электрон тарзда тузиладиган, банк пластик карточкаси мавжуд мижозларга банк ходимнинг иштирок этган ҳолда микроқарз ажратиш ва уни тўлаш шартларини ўз ичига олган шартнома.

### **2. ШАРТНОМА МАЗМУНИ**

2.1. “Банк” “Қарз олувчи”га, ушбу шартномада назарда тутилган шартларда микроқарз ажратади, “Қарз олувчи” эса ундан кредит беришнинг умумий қоидаларига (муддатлилиги, қайтаришлилиги ва тўловлилигига) риоя этган ҳолда фойдаланади ва қайтаради.

### **3. УМУМИЙ ҚОИДАЛАР**

3.1. Ушбу оферта шартнома тасдиқлангандан эътиборан 1 (бир) банк иш куни ичида “Банк” дастурий равишда “Қарз олувчи”га микроқарздан фойдаланиш имконини берувчи ссуда ҳисобварағини очади ва ушбу шартноманинг 3.2-бандига асосан дастурий равишда микроқарз суммасини белгилайди.

3.2. **Микроқарз миқдори** – скоринг таҳлил натижасига асосан, қарз олувчининг банк пластик картасига ёки электрон ҳисоб рақамига кредит паспорти шартлари асосида лимит ажратилади.

3.3. Микроқарз - “қарз олувчи”нинг номига миллий валютада очилган пластик картаси ёки электрон ҳисоб рақамига “қарз олувчи” томонидан банк ходимининг иштирок этган ҳолда автоматлаштирилган “DAVR MOBILE” мобил иловаси орқали мижозга микроқарз ажратилади.

3.4. “Микроқарз” - суммаси ўтказилганлиги тўғрисидаги ссуда ҳисобварағида тегишли бухгалтерия ўтказмаси акс эттирилганидан сўнг берилган ҳисобланади.

3.5. Фоизлар микроқарзнинг асосий қарзи сўндирилгунча бўлган давр учун ҳисобланади.

3.6. “Қарз олувчи” “Микроқарз” таъминоти сифатида суғурта ташкилотининг суғурта полисини тақдим қилади.

3.7. “Қарз олувчи” мазкур шартномага асосан микроқарзнинг асосий қисмини ва фоиз тўловларини график асосида амалга ошириши лозим.

3.8. Ажратилган кредитга ҳисобланган фоизлар графикда белгиланган санагача тўланмаган тақдирда, дастурий равишда 16377 (шартномага кўра ҳисоблаб ёзилган, бироқ муддатида тўланмаган олинмиши лозим бўлган фоизлар) ҳисоб рақамига ўтказилади.

3.9. Микроқарзнинг асосий қарзи ва фоиз қарздорликларини “Қарз олувчи”нинг Ўзбекистон Республикасида очилган барча ҳисоб рақамларидан ва барча пластик карталаридан акцепсиз тарзда ҳар ойда кирим қилинадиган ойлик иш ҳақиси ва бошқа турдаги келиб тушган маблағлари ҳамда нақд пул ҳисобидан мазкур шартнома шартларига мувофиқ сўндирилиб борилади. Бунда, биринчи навбатда, муддати ўтган фоизлар ва асосий қарз, кейинги навбатда ҳисобланган жорий фоиз қарздорлиги ва

асосий қарз сўндирилади.

**3.10. “Қарз олувчи” томонидан микроқарзнинг асосий қарзи ва фоиз қарздорликлари графикда белгиланган муддатларда сўндирилмаган тақдирда, “Банк” қарз олувчининг Ўзбекистон Республикасидаги барча банк пластик қарталари ва барча ҳисоб рақамларининг чиқим қисмига таъқиқ қўйиши ва қарздорликни акцептсиз равишда ундириб олиш ҳуқуқига эга бўлади.**

3.11. Микроқарз бўйича қарздорликлар шартномада белгиланган муддатда сўндирилмаган тақдирда, юзага келган қарздорликларни қарз олувчининг ўзига ва оиласига тегишли бўлган мол-мулки, уй жиҳозлари ва қиммат баҳо буюмлари ҳамда ойлик иш ҳақи ҳисобидан қонунчиликда ўрнатилган тартибда сўндириш чораси кўрилади.

#### **4. ТАРАФЛАРНИНГ ҲУҚУҚ ВА МАЖБУРИЯТЛАРИ**

##### **4.1. “Банк”нинг мажбуриятлари:**

-“Қарз олувчи”га “DAVR MOBILE” мобил иловаси орқали мижозга автоматлаштирилган дастурий таъминот орқали пластик

картасига скоринг таҳлил натижасига кўра кредит ажратилишида амалий ёрдам бериш.

-“Микроқарз” ажратиш бўйича скоринг таҳлил қилинишини ва микроқарз тўлов қобилияти етарли миқдори белгилангандан

сўнг 1 (бир) банк иш куни ичида мижозга дастурий равишда ссуда ва бошқа зарур ҳисобварақлар очилишини таъминлаш;

-“Қарз олувчи”нинг банк пластик картасига “DAVR MOBILE” мобил иловаси орқали кредит паспорти шартларида кўрсатилган сумма доирасида “Микроқарз” ажратиш имконини яратиш.

##### **4.2. Банкнинг ҳуқуқлари:**

-“Микроқарз” бўйича қарздорликлар шартнома(график)да белгиланган муддатларда сўндирилмасе, “қарз олувчи”нинг банк пластик картасининг чиқим қисмига таъқиқ қўйиш ва юзага келган қарздорликларни акцептсиз равишда ундириб олиш, қарз олувчининг ўзига ва оиласига тегишли бўлган мол-мулки, уй жиҳозлари ва қиммат баҳо буюмлари ҳамда ойлик иш ҳақи ҳисобидан қонунчиликда белгиланган тартибда сўндириш чорасини кўриш.

-“Қарз олувчи” томонидан ушбу шартнома шартларининг бажарилиши ва кредит шартномаси шартлари тўғрисидаги маълумотларни “Кредит ахбороти таҳлилий маркази” кредит бюроси ва Ўзбекистон Республикаси Марказий банки Кредит Ахбороти Давлат Реестрига юбориш;

-Банк қарз олувчининг барча банкдаги мавжуд пластик картасидан, мавжуд ва бундан сўнг очиладиган қарз олувчининг барча ҳисоб рақамларидан (талаб қилиб олгунча, депозит, жамғариб бориладиган, пластик ва бошқа исталган ҳисоб рақамларидан) кредит тўловини графикга асосан акцептсиз тарзда ечиб олиш ҳуқуқига эга.

##### **4.3. “Қарз олувчи” нинг мажбуриятлари:**

-“DAVR MOBILE” мобил иловаси орқали мижознинг мобил рақамига жўнатиладиган электрон оферта шартнома шартлари билан танишиши шарт.

-Мазкур оферта шартномасида аниқланган микроқарз миқдорини “DAVR MOBILE” мобил иловаси орқали мижознинг банк пластик картасига ўтказиб бериш.

-“Микроқарз” қолдиғини ушбу шартнома(график)да кўрсатилган муддатларда БПК ҳисобварағига кириш қилинадиган ойлик иш ҳақи ёки бошқа турдаги маблағлар ҳисобидан ҳамда нақд пул маблағларини кириш қилиш орқали ўз муддатида сўндириб бориш.

-Танланган тариф пакетига асосан пакет учун амалга оширилиши лозим бўлган ойлик тўловини кредит ва унга ҳисобланган фоиз тўловлари билан биргаликда қўшиб сўндириши лозим лозим

-“Микроқарз” ажратиш учун банкка скоринг таҳлили асосида аниқланган иш ҳақи(ва унга тенглаштирилган бошқа даромадлари)ни банк пластик картасига тушишини таъминлаш .

-Ишдан бўшаган тақдирда, иш берувчига ишдан бўшатиш тўғрисида ариза берган кундан кейин бир банк иш куни ичида банк филиалини хабардор қилиш ҳамда микроқарз бўйича қарздорликларни муддатидан олдин тўлиқ сўндириш.

-Қарз олувчи кредитни ўз вақтида сўндирмаган тақдирда унинг яшаш манзилига, махалла фуқаролар йиғини (МФЙ)га ҳамда яқин қариндошлариникига банк ходимлари ташриф буюришига ва кредит қарздорлигининг қайтарилишини талаб қилишга қаршилик билдирмайди.

-Қарз олувчи томонидан кредитни ўз вақтида сўндирмаганлиги учун амалдаги қонунчиликка мувофиқ Ўзбекистон Республикасининг тегишли давлат органларига ариза билан мурожаат қилганда (ЙХХДХ, Давтехназорат, Бош прокуратура ҳузуридаги агросаноат комплексини назорат қилиш ва озиқ-овқат хавфсизлигини таъминлаш бўйича инспекция) мазкур Шартномани рўйхатга қўйиш ва давлат рўйхатидан ўтказиш учун барча зарур ҳаракатларни ўз ҳисобидан ва ўз маблағлари ёрдамида амалга ошириш мажбуриятини олади.

##### **4.4. Мижознинг ҳуқуқлари:**

-“DAVR MOBILE” мобил иловасидаги “Менинг микроқарзларим” саҳифаси орқали, мавжуд бўлса «Давр банк» ХАТБ филиалларидан олинган кредитларнинг асосий ва фоиз тўловларини тўланиши ҳамда олган кредитлари бўйича бошқа маълумотлар олиш;

-Мазкур оферта шартномасини тасдиқлагандан сўнг, аниқланган “Микроқарз” суммаси доирасида 3 банк иш куни ичида микроқарз маблағларидан фойдаланиш;

-Тушунмовчиликлар юзага келганда банкдан маълумот олиш.

#### **5. ТАРАФЛАРНИНГ ЖАВОБГАРЛИГИ**

5.1. Шартнома мажбуриятлари тўлиқ ёки қисман бажарилмаганда, томонлар амалдаги қонунчиликка мувофиқ жавобгардирлар.

5.2. Тарафлар ўз мажбуриятлари бўйича ўзларининг мулклари билан жавобгардир.

#### **6. НИЗОЛАРНИ ҲАЛ ҚИЛИШ**

6.1. Ушбу шартнома ёки унинг ижроси билан боғлиқ масалалар юзасидан келиб чиқадиган барча низолар томонларнинг келишуви билан ҳал қилинади.

6.2. Томонларнинг келишуви билан ҳал қилиб бўлмайдиган низолар қонун ҳужжатларида белгиланган тартибда Банкнинг микроқарз ажратган филиали жойлашган ҳудуддаги фуқаролик/ иқтисодий судида ҳал қилинади.

## **7. ФОРС-МАЖОР**

7.1. Тарафлар ушбу шартнома бўйича мажбуриятларни қисман ёки тўлиқ бажарилмаганлиги учун, агар ушбу бажарилмаганлик шартнома тузилгандан кейин, Тарафлар олдиндан кўра олишмаган, оқилона чоралар билан бартараф этиши мумкин бўлмаган фавқулодда тусдаги ҳодисалар натижасида вужудга келган, энгиб бўлмайдиган куч ҳолатларининг оқибатлари (зилзила, сув тошқини, ёнғин ва бошқа табиий офатлар) ҳисобланса, жавобгарликдан озод этилади.

7.2. Енгиб бўлмайдиган куч ҳолатларига асосланадиган Тараф бошқа Тарафни бундай ҳолатлар бошланганлиги тўғрисида ёзма равишда зудлик билан хабардор қилиши шарт ва шу билан бирга исталган тарафнинг талабига кўра ҳолатларнинг бошланиши фактини тасдиқловчи, тегишли орган томонидан берилган ҳужжат тақдим этилиши керак.

## **8. ШАРТНОМАНИНГ АМАЛ ҚИЛИШ МУДДАТИ**

8.1. Ушбу шартнома “Қарз олувчи” томонидан “DAVR MOBILE” мобил иловаси орқали дастури орқали мижознинг мобил рақамига жўнатилган смс тасдиқланган кундан бошлаб тузилган ҳисобланади ва юридик кучга киради.

8.2. Тарафлар ўз мажбуриятларини тўлиқ бажаргунга қадар амал қилади.

## **9. ЯКУНИЙ ҚОИДАЛАР**

9.1. Мазкур шартнома электрон тарзда “Элма” дастури орқали тузилиб, томонлар уни электрон шакл тасдиқлайди ва қонуний кучга эга бўлади.

9.2. Ушбу шартномада акс эттирилмаган ҳолатлар Ўзбекистон Республикасининг амалдаги қонунчилиги асосида тартибга солинади.

**Мижознинг Ф.И.Ш. : Ф.И.Ш.**

**Электрон оферта тасдиқланган телефон рақам: +99890-000-00-00**

**Мижоз оферта шартномани тасдиқлаган сана ва соат: 29-04-2000 14:11**